

Obraćanje visokog predstavnika Valentina Inzka na konferenciji u organizaciji Panevropske unije

Vrijedi izgovorena riječ.

Obraćanje visokog predstavnika Valentina Inzka na konferenciji u organizaciji Panevropske unije Sarajevo, 25. oktobra 2014.

Pragmatična i ambiciozna strategija za izvršavanje zadataka

Dame i gospodo,

Dozvolite mi prije svega da kažem da mi je veliko zadovoljstvo biti ovdje i učestvovati u radu foruma koji okuplja učesnike iz Bosne i Hercegovine i predstavnike međunarodnih institucija koje daju veliki doprinos društvenoj, ekonomskoj i političkoj obnovi ove zemlje.

Sastali smo se u povoljnem trenutku – nakon provođenja općih izbora. Promjene koje su nastale u političkom okruženju kao rezultat izbora su postupne, ali kako ulazimo u fazu formiranja novih vlasti ipak možemo iskoristiti zamah koji polazi od novog početka, pa čak i ako je taj novi početak skroman.

Vjerujem da je važno naglasiti da promjene koje su sada potrebne Bosni i Hercegovini, odnosno promjene koje žele mnogi faktori kako unutar zemlje tako i vani – ne zavise od neke matematičke većine koja bi se mogla formirati u narednim sedmicama. Te promjene zavise od pragmatične i ambiciozne strategije za izvršavanje zadataka.

Nama su poznate preokupacije i kalkulacije koje prate raspodjelu pozicija – to je struja koja teče kroz proces stvaranja koalicija ne samo u Bosni i Hercegovini nego i u drugim zemljama. Također smo svjesni loših rezultata koji se javljaju kada je raspodjela pozicija sama sebi svrha, a ne jednostavno prvi i potrebnii korak u napornom radu da te pozicije funkcioniraju efikasno na dobrobit građana.

Funkcioniranje ministarstava na koherentan, koordiniran i efikasan način najvažniji je korak koji treba poduzeti u sadašnjoj postizbornoj fazi – a to se neće desiti ako ne dođe do velike promjene u načinu razmišljanja mnogih visokih zvaničnika.

Ali, promjene nisu nemoguće.

I zaista, potreba za promjenama u Bosni i Hercegovini nikada nije bila veća ili očitija – građani su u nekoliko navrata u zadnjih osamnaest mjeseci izlazili na ulice da na to podsjeti svoje predstavnike.

Prioriteti novih vlasti moraju biti rješavanje sve gore ekonomske situacije i pokretanje temeljitog, sistematskog i brzog programa koji će rezultirati otvaranjem novih radnih mesta. Ovo je u potpunosti u skladu s programom evropske integracije. Reforme koje mogu pomoći da se pokrene ekonomija na samom su vrhu prioriteta.

U nedavnom istraživanju mišljenja građana širom Bosne i Hercegovine, skoro tri četvrtine ispitanika navelo je **nezaposlenost** kao najvažnije pitanje kojim se njihovi političari trebaju baviti nakon izbora. Nezaposlenost je navodena češće od bilo koje druge teme.

Pored praktičnih i blagovremenih reformi potrebno je ponovo usredsrediti napore na rješavanje poteškoća koje proljetne poplave i dalje donose desetinama hiljada porodica širom zemlje – međunarodni odgovor na katastrofu bio je brz i praktičan, ali implementacija programa na terenu bila je djelimična i spora.

Ovaj i druge izazove treba rješavati u kontekstu koherentnog programa vlade.

I taj program mora biti suštinski zasnovan na vladavini prava.

Poštivanje vladavine prava znači implementaciju odluka Ustavnog suda: u slučaju Mostara, u pogledu državne imovine i drugih ključnih područja.

Izazovi s kojima se suočavaju nove vlasti su ogromni: odgovor na taj izazov mora biti ambiciozan, fokusiran i strateški.

Administracije koje se sada budu formirale neće se cijeniti po tome ko sjedi na kojoj poziciji. One će se cijeniti na osnovu sposobnosti da izvršavaju zadatke.

Hvala.